

He Puna Kōrero

Wahanga 4 Wiki 2

Pānui 2 –Rāmere 28 o Whiringa-rangi 2022

TAM 6.6 "Kia mau tōna whatumanawa ngā hohonutanga o te ako o te mōhio"

Rā Whakanui o Tamaki-Nui-a-Rua

I te Rāpare, te 20 o Oketopa, i haere atu mātou ngā Wharekura, ngā Taiohi Tuākana ki ngā whenua o Rangitāne ki te whakanui i te huritau 30 o Te Kura Kaupapa Māori o Tamaki Nui A Rua. Tōnā tikanga ka tū te kaupapa nei i te wāhanga tuatoru heoi, nā ngā āhuatanga o te wā me te kino o te huarere, i hikina ki te wiki tuatahi o tēnei wāhanga.

I tukuna te pōhiri ki ngā kura kaupapa o te motu kia huihui tahi tātou i raro i te karanga o Te Aho Matua. E ai ki taku maumahara, tōna ono ngā kura i tae atu ki te tautoko, ki te whakanui i te kaupapa. Ko TKKM o Te Ara Hou, Mana Tamariki, TKKM o Ngāti Kahungunu ki Heretaunga, TKKM o Wairarapa, TKKM o Te Whare Wānanga Whare Tapere ki Takitimu, ā, ko mātou hoki.

Ko ngā mahi hākinakina te nuinga o ngā mahi mō te rā. I whakawehea e ngā kura katoa ki ngā rōpū e whā. Ko Raikapua rātou ko Ngātoto, Te Horahanga, ko Pukehou. Ko te pā whutupōro, kī-o-rahi me te poitūkohu ngā hākinakina. Me he rangi mokopuna te āhua o te huarere i te timatanga heoi, i huri a Ranginui rāua ko Tāwhirimātea ki te whakaheke ua me te kaha pupuhi o te hau i te pouputanga o te rā. Nā tēra i oti moata ngā hākinakina, ā, i timata te hākari.

Te hūnene hoki o ngā kai i hora. Nō muri mai i ngā kai, i timata te tū o ngā māngai nō ia kura kia mihia a Tamaki Nui A Rua. I roto i ngā mihi i rongo au he tuakana a Tamaki Nui A Rua ki te nuinga o a mātou kura, he mea āhua ohorere ki au. Ko te nuinga o mātou he rite te pakeke, tōna 27-30 tau te pakeke. Me te ataahua hoki o ngā waiata i waiatatia e ia kura. I kaha rongo i te wairua Māori e rērere haere ana. Anō te āhuareka o te noho tahi ki ngā ākonga kua tipu pēnei i a au me te whakawhanaunga i raro i ngā āhuatanga a kui mā, a koro mā.

Hei whakakapi, he oranga tinana, oranga wairua, oranga ngākau anō hoki te tae ki tēnei kaupapa. Kua kite au i te ataahua o tēnei kaupapa, o Te Aho Matua. He taura whakahere i a tātou ki a tātou, ā, he hononga i takea mai i ngā Rangi Tuhāhā, i ngā tupuna, i te hunga nā rātou te whawhai kia tū ngā kura kaupapa Māori. Ko te manako ka whai wahi ōku teina ki ngā āhuatanga pēnei hei tā rātou taenga ki te wharekura.

Waimarama Tapiata-Bright—
Tau 13



2023 Ngā Wāhanga o te Kura

[Wāhanga 4: 24.10.22—13.10.22](#) [Wāhanga 1: 1.2.23—06.4.23](#) [Wāhanga 2: 24.04.23—30.06.23](#)

[Wāhanga 3: 27.07.23—17.09.23](#) [Wāhanga 4: 09.10.23—13.01.23](#)


Huritau 30 o TKKM o Tamaki Nui a Rua

Ko te wahanga miharo pai ki a au i te rā whānau 30 o TKKM o Tamaki Nui a Rua, ko ngā hākinakina i tākorotia e mātou.

Ko te take mō tēnei, i te mea i whakawehea mātou ki ngā tīma rerekē, ā, nā tērā i kaha whakawhanaunga mātou ki ngā tauira nō kura kē. Mīharo katoa te tutaki atu ki ngā tāngata hou, otirā te tākaro ki tā rātou taha. Ki a au nei, nā tēnei mahi whakawhanaunga, kua whai hoa hou mātou mō te wiki hākinakina.

Ki a au nei me pēra hoki tātou o Ngā Mokopuna mō tā mātou huritau 30 hei te 2024, kia taea ngā kura e hiahia ana ki te whai hararei, ki te tākoro hākinakina, ki te whakawhanaunga hoki ki a mātou, otirā ngā kura katoa e hiahia ana ki te haere mai.

Rauru Kii Tahi Fitzgerald Tau 13



Ko ngā āhuatanga pai ki a au i te huritau 30 o Tamaki nui a Rua, ko te whakahoahoa, whakawhanaunga ki ngā kura kaupapa rerekē, te tākaro hoki i ngā hakinakina rerekē, e maha ngā wheako pai, i reka te kai, i pai hoki te wepu i ngā tama mo te ki o rahi.

He take mēnā rānei me whakaritea te kura i tētahi kaupapa nui whakaharahara mo tā mātou huritau 30? Ki a au nei, āe, me hanga rite ki tā Tamaki nui a Rua heoi, me tono atu ki ngā kura maha ki te haere mai.

Rakairoa Campbell Tau 13



Te Āhuatanga Ako: 5.1—5.10

Rā o te Wiki	Rā Timata	Rā Mutu	Wā Timata	Wā Mutu	Te Mahi	He Whakamārama
Rāmere	28.10.2022		10am	12pm	Kiriata—Tiotio	Haere ai a Kura tuatahi noa iho kia matakitaki te kiriata Māori—Tiotio (Frozen) ki Empire o Tapu-Te-Ranga
Rāhoroi	29.10.2022		12pm	4pm	Kapa Haka wananga	Mokopuna ki Tai e!
Rātapu	30.10.2022		10am	3pm		
Rāhina	31.10.2022		5.30pm	7pm	Hui Wharekura whānau	Hui ai te whānau Wharekura
Rātū	01.11.2022		1pm	3pm	Kaukau ki te puna kauhoe	Haere ai te kura katoa ki te Puna Kaukau ia Rātu ia Rātu
Rāpare	03.11.2022		5.30pm	6.30pm	Hui whānau mo ngā tau 8 noaiho	Nau mai haere e ngā whānau Tau 8—kia hui ai
Rāpare	03.11.2022		1pm	3pm	Kawe Mate o Matua Muriwai Ihakara	
					Haere ai tētahi kapa Wharekura / Taiohi Tuākana ki te Whare Toi	
Rātapu	06.11.2022		10am	3pm	Wananga Aho Matua	Nau mai haere te whānau ki te hui nei
Rāhina	07.11.2022		9.30am	12.30pm	Whakamatautau—ki te kura	NCEA LI - Te Reo Rangatira
Rātū	08.11.2022		1pm	3pm	Kaukau ki te puna kauhoe	Haere ai te kura katoa ki te Puna Kaukau ia Rātu ia Rātu
Rātū	08.11.2022		2pm	5pm	Whakamatautau—ki te kura	NCEA L3 - Te Reo Rangatira
Rāapa	09.11.2022	11.11.2022	2pm	5pm	Hopuna Tau 5-8	Haerere te kapa Taiohi mō ngā rā e toru
Rāapa	16.11.2022			2pm	Rā Hapu	Ko Te Kotahitanga te mana whakahaere
Rāmere	18.11.2022			2pm	Whakahonore	Ko Rangimarie te mana whakahaere
Rāhina	28.11.2022		9am	3pm	Mana Kuratahi	Tū ai ngā kapa e rua: Tai e, Uta e ki Te Rauparaha
Rāapa	30.11.2022		5.30pm	7pm	Hui whānau	Te hui whakamutunga o te tau nei
Rāapa	30.11.2022		5.30pm	7pm	Hui whānau	
Rāapa / Rāpare	30.11—1.12.2022		Rā Katoa		Wharekura katoa	Mokorito e noho ana ki te kura mō ngā rā e rua
Rāmere	02.12.2022		Rā katoa		Rā Kaimahi anake!	Noho ai ngā tamariki ki te kainga

Ngā Kākahu Kura

Arā noa atu ngā painga o ngā kākahu kura ki roto i ngā kura, otirā ki roto i ngā momo rōpū maha. He whakaatu i tō tūhonotanga ki tētahi kaupapa, ā, he whakaatu i tō tātou mahi tahi kia tutuki taua kaupapa.

Nō reira, e tika ana kia tae rite mai ngā ākonga ki te whakamau i ngā kākahu kura e tika ana i ia rā. E whai ake nei ngā kākahu kura e tika ana:

Kura Tuatahi			
Hāte Kura 	Poraka Kura 	Koti Kura 	Tōkena Pango 
Tarau Poto Ōrangiuru 	Tarau Roa Ōrangiuru 	Hū pango 	Hū Pāraepare pango 

Kakahu kura: Mēnā kei te hia hoko kakahu kura, kakahu hākinakina rānei, tuku atu tō tono ki te tari: tari@tkkmmokopuna.school.nz.

Kakahū Hākinakina Hou

Tēnā koutou e te whānau, tokoiti tonu ngā whānau i tonoa mai ki te hoki kākāhū hākinakina mō tō tamaiti. Kia kaha tonu mātua mā, akuanei kei te karanga ki a koutou katoa ki te whakahoki mai ngā kākāhū o te kura mo ngā kaupapa ā-kura. He paku rerekē ngā tarau poto, he āhua iti iho hoki ki ngā tarau tawhito.

Tihāte hākinakina

Size 2-16

\$20 + \$8.50

(ingoa - tuatahi, ingoa whānau, karekau rānei)



Tarau poto (sublimated)

\$45 each



Hoodies Tamariki:

\$35 + \$8:50 (ingoa tuatahi, ingoa whānau rānei)

Hoodies Pakeke:

\$45 + \$8:50 (ingoa tuatahi, ingoa whānau, karekau rānei)

